

ურთიერთთანამშრომლობის მემორანდუმი

**საქართველოს პარლამენტის ილია ჭავჭავაძის სახელობის
ეროვნულ ბიბლიოთეკასა**

და

**სსიპ – სამცხე-ჯავახეთის სახელმწიფო სასწავლო
უნივერსიტეტს**

შორის

ქ.თბილისი

2014 წ.

წინამდებარე ურთიერთთანამშრომლობის მემორანდუმი (შემდგომში – „მემორანდუმი“) მიიღწევა ქ. თბილისში, 2014 წლის 22 იანვარს.

ერთის მხრივ, საქართველოს პარლამენტის ილია ჭავჭავაძის სახელობის ეროვნულ ბიბლიოთეკას (შემდგომში „ეროვნული ბიბლიოთეკა“), რომლის იურიდიული მისამართია: საქართველო. ქ. თბილისი 0107, ლ. გულიაშვილის ქ.№7

და

მეორეს მხრივ, სსიპ სამცხე-ჯავახეთის სახელმწიფო სასწავლო უნივერსიტეტს (შემდგომში „უნივერსიტეტი“), რომლის იურიდიული მისამართია: საქართველო, ქ. ახალციხე, რუსთაველის ქ. №106, შორის,

სადაც,

ეროვნულ ბიბლიოთეკას წარმოადგენს საქართველოს პარლამენტის ილია ჭავჭავაძის სახელობის ეროვნული ბიბლიოთეკის

გენერალური დირექტორი

ბატონი გიორგი პეკელიძე

ხოლო

უნივერსიტეტს წარმოადგენს სამცხე-ჯავახეთის სახელმწიფო სასწავლო უნივერსიტეტის რექტორი

ბატონი მერაბ ბერიძე

1. მემორანდუმის საგანი

- 1.1. წინამდებარე მემორანდუმით მხარეები კისრულობენ ვალდებულებას წარმართონ საკუთარი საქმიანობა ურთიერთთანამშრომლობის, პარტნიორობისა და ერთმანეთისადმი ხელშეწყობის პრინციპებზე.

2. მემორანდუმის მიზნები

- 2.1. მემორანდუმის მიზნებს წარმოადგენს:
- ა) „ეროვნული ბიბლიოთეკა“ სთავაზობს „უნივერსიტეტს“ უსასყიდლოდ ისარგებლოს საგამოფენო და საკონფერენციო დარბაზებით და ასევე ბიბლიოთეკათშორისი მომსახურეობის აბონემენტით.
 - ბ) „უნივერსიტეტი“ მოუმზადებს „ეროვნულ ბიბლიოთეკას“ რეგიონალურ გამოცემათა ბიბლიოგრაფიას და შეძლებისდაგავარად დააკომპლექტებს რეგიონალური გამოცემებით.
 - გ) „ეროვნული ბიბლიოთეკა“ დააკომპლექტებს „უნივერსიტეტს“ სამეცნიერო – უნივერსალური ლიტერატურით სარეზერვო გაცვლითი ფონდის ბაზაზე.
 - დ) „ეროვნული ბიბლიოთეკა“ და „საჯარო ბიბლიოთეკა“ ერთობლივად მიიღებენ მონაწილეობას სამეცნიერო კვლევებში, კონფერენციებსა და დისკუსიების ორგანიზებაში.
 - ე) „ეროვნული ბიბლიოთეკა“ უზრუნველყოფს „უნივერსიტეტის“ ბიბლიოთეკის თანამშრომელთა კვალიფიკაციის ამაღლებას კონსერვაციის, რესტავრაციის, კლასიფიკაციის და სხვა საბიბლიოთეკო საქმეში.
 - ვ) „ეროვნული ბიბლიოთეკა“ ხელს შეუწყობს „უნივერსიტეტს“ ბიბლიოთეკის ელექტრონული ბიბლიოთეკის შექმნაში კონსულტაციების და ელექტრონულ ბიბლიოთეკა „ივერიელში“ ინტეგრაციის გზით.

3. მემორანდუმის მოქმედების ვადა

- 3.1. წინამდებარე მემორანდუმი მოქმედებს უვადოდ, თუ მოშლილი არ იქნება ქვემოთ მოყვანილი პირობების გამო:
- მემორანდუმის მოქმედება შეიძლება მოშლილ იქნას მხარეთა ურთიერთშეთანხმების საფუძველზე;
 - მემორანდუმის მოქმედების ვადაზე ადრე მოშლის შემთხვევაში ერთი მხარე მეორეს ერთი თვით ადრე წერილობით შეატყობინებს მოქმედების ვადის მოშლის შესახებ.

4. მხარეთა ვალდებულებები

- 4.1. წინამდებარე მემორანდუმის მხარეები ვალდებული არიან შეასრულონ მემორანდუმის პირობები კეთილსინდისიერებისა და ურთიერთპატივისცემის საფუძველზე, წარმართონ წინამდებარე მემორანდუმით გათვალისწინებული საქმიანობა ურთიერთშეთანხმებისა და კოორდინაციის პრინციპებზე.
- 4.2. მხარეები კისრულობენ ვალდებულებას შეუთანხმონ ერთმანეთს ნებისმიერ პირობები, რომელიც შეიძლება შეეხოს მეორე მხარის კანონიერ უფლებებსა და ინტერესებს.

5. ცვლილებები, შესწორებები და დამატებები

- 5.1. წინამდებარე მემორანდუმში ნებისმიერი სახის ცვლილება, შესწორება ან/და დამატება იურიდიულ ძალას იძენს მხოლოდ მხარეთა მიერ მისი წერილობითი გაფორმებისა და ხელმოწერის შემთხვევაში.

6. მხარეთა ურთიერთობა

- 6.1. ამ მემორანდუმის საფუძველზე წარმოებული მხარეთა ურთიერთობა არ ნიშნავს მხარეთა შორის რაიმე სახის ასოციაციის, კავშირის ან/და გაერთიანების შექმნას.

6.2. მესამე პირებთან ურთიერთობებში არც ერთ მხარეს არა აქვს უფლება იმოქმედოს მეორე მხარის სახელით.

6.3. მხარეები საქმიანობას წარმართავენ პარტნიორობის, ურთიერთპატივისცემისა და ერთმანეთის საქმიანობაში ჩაურევლობის პრინციპებზე დაყრდნობით.

7. სხვა პირობები

7.1. მემორანდუმი არ შეიცავს სხვა რაიმე დამატებით წერილობით ან სიტყვიერ შეთანხმებას.

7.2. მემორანდუმი შედგენილია ორ თანაბარი იურიდიული ძალის მქონე ეგზემპლარად და ორივე მხარეს გადაეცემა თითო ეგზემპლარი.

8. დასკვნითი დებულებები

8.1. მემორანდუმი ძალაში შედის მხარეთა მიერ მისი ხელმოწერის მომენტიდან.

8.2. ადასტურებენ რა ზემოაღნიშნულს, მხარეები ხელს აწერენ წინამდებარე მემორანდუმს იმ დღესა და წელს, რომელიც მითითებულია მემორანდუმში.

ეროვნული ბიბლიოთეკა:

საქართველოს პარლამენტის ილია ჭავჭავაძის სახელობის ეროვნული ბიბლიოთეკა



სსიპ – სამცხე-ჯავახეთის სახელმწიფო სასწავლო უნივერსიტეტი

რექტორი

მერაბ ბერიძე

ქ. თბილისი, 22 იანვარი, 2014 წელი

